

## MENGA HIMOYA KERAK EMAS

### *Hikoya*

Bert toqqiz yarimda barga kirgan payti Jorjiya u yerda yoq edi. Bert hech narsa gapirmadi, faqat peshtaxta yoniga otib, bir finjon qahva bilan brendi buyurdi.

U chorakta kam o'nda belgilangan o'n besh daqiqa otirib turish uchun pianino yonidan joy oldi. Jorjiya hamishagidek, roppa-raso o'nda, soat oxirgi zang urishi bilan chiqib kelishi kerak edi.

Bar egasi Jo Palermo Bertga xavotir bilan qaradi, keyin peshtaxta tepasidagi soatga, keyin yana Bertga tikildi. Lekin Bert unga qarab ham qoymadi.

Hali erta edi, lekin Bert hoziroq bugun qanaqa mijozlar toplanganini aytib bera olardi. Ularga chidasa bo'ladi, har qalay, «Ruxsat bering, Charli pianinongizni chalsin», degan ahmoqona iltimoslar bilan xiralik qilmaydilar. Ular ovqatlanish yoki gap sotishga emas, Jorjiya va Bert uchun keladilar. Bularning hammasi, albatta, Joning badiga urib ketgan. Bert bilan Jorjiya ish sorab kelganlarida, bu yerning kuni bitib qolayozgan edi, lekin, mana, uch oyki, endi ularni Vinchell, Layons, N'yu-Parkerga ham taklif qilishyapti.

Sakkiz daqiqa qoldi. Bert «Men eslayman»ning naqarotini chalayotganda Jo uning yoniga keldi. Bert maromni sekinlatib, Joning nima deganini eshitish uchun yumshoq pedalni bosdi.

- Nima gap? – deb soradi Jo.

- Nima gapligini men qaydan bilaman, - dedi Bert. Bunaqa emas – nima bo'lganini u yaxshi tasavvur qilayotgan edi.

- Xop, u bugun keladimi, yoqmi? – deb soradi Jo.

- Tashvishlanma, oshna, - dedi Bert.

- Urinib koraman, - dedi Jo va nari ketdi.

Tort daqiqa qoldi.

Bert uch naqarotli blyuzni, Jorjiyaning chiqishiga peshvoz oynaladigan maxsus blyuzni ijro qildi. U blyuzni chalgan payti Jorjiya zalga qoshiq aytib kirar, stollar oralab otib, fortep'yano yonidan odatdagi joyini egallar edi.

Jorjiya si-bemoldan boshlashi kerak edi. Bert notani oldi, lekin hech narsa bo'lmadi. Elektrotexnik reostatlarni uladi. Bu shunaqa sezilarsiz bo'lardiki, Jorjiyadan boshqa hech kim e'tibor ham qilmas edi. Yana hech gap bo'lmadi. Bert tezda «Shox yigitlar»ga otdi, zaldagi lampochkalar yana to'la yorishib ketdi.

U mijozlarning hayajonga tushganini payqadi. Zalga qarab oldi. Eshik oldida chorpaxil bir yigit, polisiya agenti bo'lsa bordir, Jo bilan gaplashayotgan edi. Jo uni stolga boshlab bordi-da, keyin Bertning yoniga keldi. Bert nomerni tez yakunlab, joyidan turdi. Mijozlar uni xushfe'l chapak bilan olqishladilar, lekin olqishlarida salgina zarda ham bilinib turar edi.

- Bert, - dedi boshashgan ovoz bilan Jo. – borib anavi yigit bilan gaplash.

- Nima kerak unga? – deb soradi Bert.

- Bilmadim, - dedi Jo. – Menga aytmadi. Lekin bilaman, yomon bir narsa bo'lgan, juda yomon. Bilasanmi, Bert, men bunaqa narsalarni sezaman.

- Quloq sol, Jo, - dedi Bert. – Yaxshilab eshit. Sening sezishingga tupurdim. Lekin sir boy bermaslikka urin. Jo, agar o'zingga, menga, Jorjiyaga zarari tegmasin desang. Hozir qo'lingdan keladigani shu. Ularning qanaqa mijoz ekanini bilasan-ku. Joning rangi murdaga aylandi.

- Qanaqa mijoz? Kimni gapiryapsan? – deb biljiradi u.

- Nima, rasmini chizib korsataymi senga? – dedi Berg. – Ha, keyin, eshit, ornimiza odam topishing kerak. Bir juftni bilaman – Endi bilan Elis. Ayni ish izlab yurishibdi. Men bilaman, yoq deyishmaydi.

- Hozir? Shu payti-ya?

- Hoziroq, - deb Bert hamyonidan yon daftarchasini oldi. – Mana, manzili. Sim qoqishing mumkin. Ular uyida bo'lishi kerak.

- Lekin, koryapsan-ku, bunaqa kutilmaganda, - deb chaynaldi Jo.

- E, sen xavotir olma. Eplaydi ular, - dedi Bert. – On besh ddaqiqada yetib keladi. Hozir qo'lingdan keladigan joyali ish ham shu.

- E xudoyim, sezyapman, bu meni oldiradi, - deb hiqilladi Jo.

- Ularga sim qoq, - dedi yana Bert. – Xavotir qilma. Eplaydi ular.

Bert yoniga borganida stol yonida otirgan novcha yigit u bilan korishishga ornidan turmadi.

- Siz Bert Xeybermi?

- Bo'lishi mumkindir. Siz kimsiz?

- Jek Berton, qidiruv polisiyasi vakili, Manxetten-Istdan. Siz tanishmisiz...

- Avval nishoningizni korsating, boshliq. Yoq, bunaqa emas. Menga bering-chi, yaqindan koray.

Lekin Bert endi nishonga qaramasa ham bo'ladi. Uning bortma shaklga, qidiruv polisiyasining xos tamgasiga qol tegizishi kifoya edi. U nishonni egasiga qaytardi.

- Bopti, - dedi u. – Men Bert Xayber.

- Siz tanishmisiz... – Politsiyachi k krak chontagidan qoozga oralgan fotografiyani chiqardi. – Mana shu ayol bilan?

Bert fotografiyaga qaradi, koʻzlarini qisib, xuddi jirkanch bir narsani koʻrgandek, uni otib yubordi.

- Ha, - dedi nihoyat. – Lekin ayni shu fotografiyani koʻrsatishning sizga nima keragi bor?

- Bizda boshqasi yoʻq, - deb tushuntirdi vakil. - Shaxsini aniq belgilashimiz kerak, hozircha qoʻlimizdan kelgani shu – oʻlikni jinoyat joyida fotoga tushirdik.

- Qaerda? – deb soradi Bert. - Qaerda?

- Ikkita turarjoy tutash joyda, Ellik beshinchi koʻcha, toʻqqinchi bilan oʻninchi avenyu ortasida. Oʻsha atrofda turarmidi?

- Yoʻq, - dedi Bert. - qachon topdingiz uni?

- Bu juda qiziq savol boʻldi, - dedi vakil.

- «Qiziq» deganingiz nimasi? Nima demoqchisiz?

- Aytdim, qoydim-da, - dedi vakil ma'nisiz bir ovozda. – Balki nima demoqchiligimni siz bilarsiz, mister Xayber?

- A, bunaqami, - dedi Bert. – Tushunaman. Shunday boʻlishini oldindan bilgandek gapirishim sizga alati tuyulyapti. Xoʻsh, nima bopti, balki rostdan shundaydir. Faqat qachon, qayerda, qanday boʻlishini bilmasdim.

- Aytolmaysizmi, kecha kechqurundan boshlab, bugungacha qayerda boʻlganingizni?

- Albatta, aytaman. Hammasi tugagandan keyin, Jorjiyani uyiga kuzatdim....

- Har kuni uni kuzatar edingizmi? U qayerda turgan? Aniq qaysi vaqtda u bilan xayrlashdingiz?

- Keyingi ikki hafta boʻyi uni kuzatishimga toʻgʻri keldi. Kimdir kuzatishi kerak-ku. U oltmish birinchi koʻchada turardi. Bu yerdan ikki mahalla nari, agar shimolga toʻgʻri yurilsa. U bilan xayrlashganimda tortdan bir daqiqa otgan edi. Aniq esimda, chunki vestibyuldagi soatga qaragan edim.

- Barvaqt emasmi, nima dedingiz? Aytmoqchi edimki, ish joyingiz tortda yopiladi, u yoqqa borish uchun bir daqiqa emas, koʻproq, demak...

- Ha, hali barvaqt edi, - dedi Bert. – Gap shundaki, oʻzimni qay bir ma'noda u uchun javobgarman deb bilardim. Keyingi ikki haftadan beri Joning barni bekitishidan ancha oldin olib ketar edim, bizni bilib qolishmasin deb. Yopilish oldidan odatda toʻs-topolon boʻlib qoladi, bildirmay chiqib ketish mumkin.

Vakil qoʻlini qovushtirib oʻtirar, bosh iragancha eshitar edi. Jo stol tepasiga keldi.

- Hammasi joyida. – dedi u. –Uyida ekan ular. Shu daqiqada yetib boramiz deyishdi. Senga rahmat deb qoyishimni sorashdi.

- Arzimaydi, - dedi Bert. U endi orniga orin topilganidan keyin Joning uncha bebaxt totmayotgani, Jorjiyaning boshiga tushgan voqeaga ham tupurgandek korinayotganini payqab, zardasi qaynadi. Lekin hali uning hech narsadan xabari yoq. Nima qilibdi, gazetadan oqib oladi.

- Balki janoblari ichib olar, - deb soradi Jo.

Vakil rad qildi.

- Billga ayt, menga ikki hissa kokteyl bersin, - dedi Bert. Jorjiya yaxshi korgan kokteyl. U doim Jorjiya uchun chaladigan kuyni esladi. Bunaqa kokteylni qanday tayyorlashadi, a? Apelsinni siqib, gilos suvini qoshadilar... – Yoq, - dedi u, - mayli, viski bersin, muz solib.

- Xop. Albatta, Bert, albatta, - dedi Jo va peshtaxtaga oshiqdi.

- Xosh, shunday qilib, - dedi Bert. – Uni kuzatib qoyganimdan keyin, uyga bordim. Uyda yotdim, kechqurun oltigacha uxlabman. Uyogonimdan keyin Jorjiyaga sim qoqdim. Hech kim javob bermadi.

- Ha, bu oltida bolgan edimi? – deb soradi vakil yon daftarchasiga belgi qoyib.

- Kerak emas, - deb soradi Bert.

- Nima kerak emas?

Bert barvasta vakilga egilib, uning qoliga qol tegizdi.

- Ular biladi-yu nima bolganini, ozlari qilgan ish-ku. Axir, hozir bizni kuzatib turgan bolishlari mumkin, mening nimani bilishimni bilish uchun.

Vakil unga diqqat bilan tikilib, yon daftarchasini chetga surdi.

- Mayli. koryapmanki, sizning daxlingiz yoq, - dedi u. – Menga, haligi, nima edi, javobgarlik hissimi, shuni aytib bering. qachondan boshlandi sizda?

- Xop, bilasizmi, men ishda umuman sherigim uchun ozimni javobgar deb bilaman, sherik ayniqsa qiz bolsa, - dedi Bert. – Siz chalayotgan paytingizda yigitlarning uch qadah viski ichgandan keyin qanday surbetlashib ketishini tasavvur ham qilolmaysiz. Ular, bilasizmi, bizga hamma narsa mumkin, hammasining pulini tolayapmiz, albatta, qiz ham shunga kiradi, deb oylaydilar.

- Siz menga bir narsa aytmoqchi edingiz, - deb eslatdi Berton. – U ayol bilan qanaqa munosabatda edingiz?

Bert jilmaydi.

- Juda boshqacha, - dedi u. – U kuylagan payti, men u uchun chalardim, mijozlar jim bolib eshitardi, shunda bir-birimizga qarab qoysak bas, shu kifoya, ortamizda qanaqadir korinmas rishtalar borligini sezib turar edik. Mana, bor-yoqi shu, xolos. Faqat u kuylaganda. Fikrimni uncha aniq ayto olmayapman shekilli?

- Soramoqchi edim: u bilan yotganmisiz?

- Yoq.

- A biron marta istaganmisiz?
- Bema'ni savol. Kim istamaydi?
- Lekin urinib ham kormaganmisiz?
- Yoʻq.
- Nega – yoʻq?
- Bilasizmi, bunaqa narsalarga oʻzimcha qarayman. Men Ezopning bittayu bitta masalini bilaman, bu - tilla tuxum qoʻygan ʻoz toʻgrisida. Yo tuxum qoʻymaganmi?
- Mister Xayber, - dedi Berton. –Bu ishda Semmi qoʻqilning qoʻli bor deb aytishga bizda asoslar bor.
- Nega bunday deb oʻylaysiz?
- Uni qanday ahvolda topganimizga qarab aytyapman. Shuning ishi bu.
- Ha. Suratini kordim-ku. Dahshat!
- U Semmi qoʻqilni bilar edimi?
- Uni bilmagan odam bormi!
- E yoʻq, men aytmochimanki, u bilan...
- A, bu ma'nodami! Yoʻq.

Dastyor viski olib keldi, Bert tomoʻgiga tiqilgan narsani yutish uchun qadahning yarmini hopladi. U qoʻlidagi naychani aylantirib, «Bechora Bill, - deb oyladi. – Bufetchilik qilsa boʻlar ekan. Muzli viskiga naycha solsa-ya! Bechora Bill».

- U Semmi qoʻqilni biron marta koʻrganmi?
- Ha.
- Shuni menga aytib berolmaysizmi?
- Yoʻq. Lekin, nima, aytib berishim kerakmi?
- Shunday.
- Xoʻp, mayli. Sizga oldin ham aytdim-ku, bunga ikki hafta boʻldi. Bu yerga endigina jon kirgizayotgan edik. Uning qoshiʻini eshitganmisiz biron marta?
- Yoʻq. U Semmi qoʻqilni birinchi marta qachon koʻrgan?
- Oʻn birinchi sanada. Men uyga borayotib gazeta olganimni eslayman, keyin, kelganimizdan beri birinchi marta edi. Oʻsha dahshatli kun bir umr esimdan chiqmaydi.
- Nimasi buncha dahshatli?
- Semmi kechquruni bilan shu yerda boʻldi. Men uning oʻzini, yugurdaklarini pianinoga oʻtirishim bilan koʻrdim. Blyuzning uchta bandini oynadim, bu uning chiqish blyuzi, ya'ni uning chiqib kelishiga blyuz edi. Jorjiya zalga kirdi, uning esa solagi oqib ketdi.

- Unga shilqimlik qildimi?

- E yoq. Birdan emas, har qalay, - dedi Bert. – boshda momingitna edi. Kechquruni bilan bizga vino yolladi, ertasi kuni Jorjiya bir katta savat gul oldi. U qayerdan manzilini bilgan, aqlim etmaydi.

- Öz usullari bor, kerak narsani shunday bilib olishadiki, - dedi vakil.

- Kechqurun yana osha yerda edi, lekin endi surbetroq bolib harakat qildi.

- Siz esa qiz uchun ozingizni javobgar his qildingiz?

- Ha-da, - dedi Bert. – Bilasizmi, bu yigit yoqqanda ham, bari bir, uni undan tashvish qilardim, lekin gap shundaki, uni korgani kozi yoq edi. Biznikiga oxshagan kasbda shilqim xushtorlardan qutulish uchun kop narsani organishga to'g'ri keladi. Lekin buni eplab bo'lmadi. Oxir-oqibat uni odamlar ortasida bir-ikki marta izza ham qildi. Keyin shu oxirgi kechada ham.

- Nima bo'ldi ozi?

- Hammasi shunda bo'ldi-da, - dedi Bert. – Jorjiya kiyimini almashtirish uchun xonasiga borayotgan edi. Semmining stoli oldidan otayotganda, u qolidan ushlab oldi, xuddi ushlayverishga haqqi bordek. Shunda Jorjiya Semmining stolidan stakanni oldi-da, uning ko'ylagiga sepib yubordi.

- Ha, bunaqa ekan-da, - dedi vakil. – unda nega qoni qaynab ketgani tushunarli. Bunaqa bashang kam topiladi.

- Keyin men ham qarab turganim yoq, - dedi Bert. – Bilasizmi, nima qildim? «Sharshara boyida»ni chaldim. E xudoyim, zalda shunaqa vah-ha-ha kotarildiki! Axir, nima bo'lganini hamma ko'rib turgan edi-da. Hatto Bert Lar ham butun san'ati bilan tomoshabinlarni bunday kuldirmagandir. Shunda Semmi ornidan turdi-da, todasini ergashtirib chiqib ketdi, lekin mijozlar kulgidan toxtamagan edi.

- Ha, unda tushunarli, - deb gap qo'shdi vakil. - Semmi kechirishi mumkin, lekin ustidan kulganni – hech qachon. Keyin uni darrov uyiga olib bordingizmi?

- Darrov emas, - dedi Bert. – Bilasizmi, o'zimdanda juda rozi edim. Yana ikkovimiz uchun faxr. Peshtaxta yoniga borib, ichdim. U erda yana anavi yigit bor ekan. Yonimda otirgan edi, xuddi bu gaplarning unga mutlaqo aloqasi yoqdek. Shunaqa xushsurat bir yigit, su'gurta vakilimi, ishqilb, korinishi shunaqaroq. Menga gap tashladi.

«Juda xursand ko'rinasan», dedi.

«Ha, juda xursandman», deb javob berdim.

«Xosh. Seni xursand ko'rganimdan mamnunman, - dedi su'gurta vakili. – Seni bunaqa kayfiyatda ekaning menga juda yoqadi.»

«Sen uchun baxtliman, - dedim men. – Sen bilan nimani gaplashamiz?»

«Uzoq gaplashishimiz shart emas, - dedi su'gurta vakili. – Bir-birimizni yaxshi bilgandan keyin gapning ozi ortiqcha.»

«G'alati ekansan-u, - dedim men. – Seni bilmayman, to'grisini aytsam, hozir sen bilan gaplashishga tariqcha xohishim ham yo'q.»

«Lekin men seni bilaman, - dedi u. – Sen Bert Xeyber.»

«Xosh, nima qipti?», deb soradi u.

«Sen ellik tortinchi uyda, tortinchi qavatda turasan, uyingda lift yo'q, sen faqat kunduz kunlari bo'lasan», dedi u savdoyi.

«Nega menga bularni aytyapsan? Bu yil hayotimni su'gurta qildirish niyatim yo'q, oshna», - dedim.

«Niyating yo'q? – deb soradi u. – Sening orningda bo'lsam, su'gurta qildirardim. - Keyin u menga egildi-da, birdan qolimni siqdi, men tortib ulgurmadim ham. – Meningcha, bir-birimizni yaxshi tushundik, to'g'rimi, mister Xeyber?», dedi-da, shu zahoti ketdi. O'shalarning g'irt o'zi, a?

- Ha, - deb qo'shildi agent.

- Ular senga oldindan aytib qoymaydilar, do'q qilmaydilar, shunday qilishadiki, nima bo'lganini ham bilmay qolasan.

- E-, buni oylab ham o'tirmaydi ular, - dedi vakil.

Bert Billga yana viski keltirishga ishora qildi.

- Men uni uyiga kuzatib ketdim, - deb davom ettirdi Bert. – Unga uyda bir o'zi qolishing mumkin emas, men ham senikida yotib qolay, yo sen yur, biznikida yot, yo hech bo'lmasa, polisiyani chaqirish kerak, dedim. Lekin u menga xayrli tun tilab, opib qoydi, e xudoyim, toza, aybsiz bir opich! – yana «Tashvish qilma, kichkintoy. Onasi katta bolib qolgan», dedi.

Vakil ketishga hozirlanib, tugmalarini otkazdi.

- Xop, nima endi, bizga yaxshi ma'lumotlar berdingiz, mister Xeyber. – dedi u. – Oylashimcha, bu ishni endi tez tugatamiz. Ha, aytgancha, sizga biron narsadan foydamiz tegmaydimi?

- Menga nimadan ham foydangiz tegadi?

- Balki, sizga himoya kerakdir?

- E yo'q, kerak emas.

- Uni hibsga olganimizda siz guvoh sifatida bizga kerak bo'lasiz.

- Xop, meni istagan paytingiz topasiz.

- Bilasizmi. Bizda kafolat bo'lishi kerak. Axir, sizni topolmay qolsak, butun ishimiz chappasiga ketadi.

- Xavotir qilmang, doim joyimda bo'laman, - dedi Bert. Dastyor yana viski keltirdi, Bert shu zatohi oxirigacha ichib yubordi.

- Mister Xeyber, - dedi vakil. – Siz, yaxshisi biz bilan yuring. O'zingiz bilasiz, aytib bo'ladingiz nima bo'lishini? Yordamingiz esa bizga shunday kerakki.

- Kõpga chõziladimi? – deb soradi Bert.
- Ertalabgacha tugatamiz deb õy layman,
- Shuncha tezmi? – deb soradi Bert. – Unda, mayli.

Zaldan chiqayotib Endi bilan Elisga duch keldilar. Ularning ish uchun Bergga minnatdorlik bildirib bõlishlarini Berton odob bilan kutdi. Berg ularga nima yuz berganini aytmadi. Ular ham gazetadan oqib olar.

Ular yopiq kulrang avtomobil yoniga keldilar.

- Otiring, yordamchimning yoniga, - dedi Berton.

Bert orindiqqa chõkib, yonidagi odamga hatto qaramadi ham. Berton rulga otirdi va ular Ist-River tomonga uchdilar. Bert yonida otirgan odamga qarash uchun nihoyati õgirildi.

- Xayrli kech, oshnam, - dedi suqurta vakili.

A.A'zam tarjimasì

«Современная американская новелла».

Изд.-во Иностранная литература», М., 1963.